

TIIŠETŠO BAKENG SA BAGWEBIŠANI BAO BA KGETHWAGO

Tiišetšo ke lenaneo la tšwetšopele leo le bopago kgwerano magareng ga SARS le bareki bao ba nago le direkhoto tša maleba tša obamelo, maemo a mabotse a matlotlo, gape bao ba swerego maemo a godimo a khwalithi ya ditshepetšo le disesteme tša dikhomphutha. Ka poelo, ba Khastom ba SARS ba fana ka dikholego tše itšeng go bareki ba.

Tiišetšo ya sekema sa kgale e fetošitšwe ka go Melawana ya Molao wa Khastom ka 29 Julae 2011 gomme lenaneo le be le tswaletšwe. Bareki ba kgale gabjale ba tšewa bjale ka bareki ba kgato ya pele ya maemo a Tiišetšo gomme gomme ba tla dula ba swere dikholego tše ba filwego go fihla ge go phethagatšwa Melao e mempha ya Khastom, yeo e tlo fedišago magato ka moka a bareki.

Tsebagatšo ya kgato ya bobedi ya lenaneo la Tiišetšo, go tloga ka 1 Agosetose 2011 (gape e tsebjago ka Mogwebišani wa go Kgethwa) ke phetolo ya hlokego ya go kaonafatša nolofatši ya kgwebišano, mola go šireletšwa diketwane tša phepo le go tlhohleletša obamelo e kgolo.

Bakeng sa morero wo, Melawana ya Tiišetšo gabjale e akaretša moleko wa tsebo e ntši, peelano ya Molaoe wa Dikamano tša Khastom, go thwalwa ga Komiti ya go Lekola Tiišetšo ya Khastom le lenaneo la kelo ya obamelo.

Lenaneo la Bagwebišani ba go Kgethwa le theilwe godimo ga maemo a boditšhabatšhaba ao a hlalositšwego ka go Revised Kyoto Convention gomme e nepile go mphsafatša Khastom go kgwerano ya kgwebo. Lenaneo leo le Kgethilwego la Bagwebišani ba SARS le akanyeditšwe gore le swane le la mmotlolo wa European Union (EU) Authorised Economic Operator (AEO) Compliance.

Na ke dikholego dife tša sekema?

SARS e tshephiša bareki ba go tiišetšwa dikholego tša go tlhomana le maemo a kgato ya bobedi:

- Go hirwa ga Molaodi wa Dikamano tša Khastom go šomana le nolofatši ya kamano magareng ga moreki le Khastom
- Phokoletšo ya palo ya sekhurithi yeo e hlokegago bakeng sa obamelo le tshepetšo ya Khastom
- Ditokumente tše mmalwa tša go lekolwa nako le nako le ditlahlobo tša sebele
- Go lebelela kgopelo pele bakeng sa tharifi le tekolo
- Go lebelela pele phihlelelo ya dithekiniki tša tlhahlobo tše di sa tseenelelwego ge dithoto di emišwa goba di swerwe bakeng sa tlhahlobo.

Ka go lenaneo la selete la SACU la Mogwebišani wa go Kgethwa (PT) bareki ga se ba rerišane ka maemo a mogwebišani wa go kgethwa ka go Ditaolo tša bona tša Khastom gomme ba swanetše ke dikholego tše di ngwalelwego tša SACU PT. Go ya ka lenaneo la SACU, ba Khastom ba SARS ba rometše Kgopelo bakeng sa Phetošo ya Molao go akaretša dikholego tša tlaleletšo. Go latela thomelo, dikholego tša tlaleletšo tše di lego ka go kuranta ya mmušo, ke;

Dikholego tša tlaleletšo:

- Go dira pele ditlahlobo le phethagatšo
- Go dumelela, ka kgopelo, tlhahlobo ya dithoto lefelong la moreki, go sa kgathale gore ke mohuta ofe wa dithoto Go tšwetšapele ditaodišo tše di rometšwego ka mokgwa wa elektroniki go ya ka molawana wa 101A.

Na ke mehuta efe ya moreki yeo e ka dirago kgopelo ya go ba moreki wa go

tiišetšwa? Ke fela motlišagae le moišantle, go akaretša motlišagae le/goba moišantle yo mongwe le yo mongwe yo a tšewago go ba go kgato ya pele ya tiišetšo ya moreki go ya ka Molawana 64E.10 (a), a ka dira kgopelo ya to tšea karolo go kgato ya bobedi ya lenaneo la Tiišetšo.

Mehuta e mengwe ya moreki e tla akaretšwa ka morago.

Na ke dinyakwa dife tša Tiišetšo?

- Bareki ba swanetše go tiišetša gore dikgopelo, motho yo a laolago kgopelo ya mokgopedi le mošomi yo a nago le maikarabelo bakeng sa merero ya tiišetšo ya Khastom ga :
 - Senke a latofatšwe ka bosenyi bja go ama bomenetša goba go se tshephagale; Senke a latofatšwe ka bosenyi bjo bongwe le bjo bongwe go ya ka Molao;

- Senke a be le kotlo ya taolo mo mengwageng ye merago morago ga go dira kgopelo mabapi le bosenyi go ya ka molao wa Khastom le Motšhelophahlogae, yeo e tšewago bjale ka melato e mogolo ya go ama go se tshephagale, go senya ka maikemišetšo le boforetši.
- Bareki ba swanetše go tiišetša gore ga ba na tatofatšo ya bosenyi bjo bongwe le bjo bongwe go ya ka:
 - Karolo 59 ya Molao wa Motšhelo wa Boleng bja Tlaleletšo Nom. 89 wa 1991; goba
 - Karolo 104 ya Molao wa Motšhelo wa Letseno Nom. 58 wa 1962.
- Mokgwatšhomo wa maleba wa matlotlo le lotšistiki di a hlokega gomme mokgopedi o swanetše go:
 - Boledišana ka mokgwa wa elektroniki ka go ngwadiša bjale ka modiriši go ya ka dipeelano tša Karolo 101A. Peelano ye ga e akaretše tirišo ya mogwebi wa Khastom / agente ya tumelelo ya išopele;
 - Swanetše a boloke ditiragalo ka botlalo ka moka tša oditi ya Khastom;
 - Ba le direkhoto tša tiišetšo ya ditshepetšo bakeng sa thekgo, go utullwa, go boloka le go hwetša direkhoto tša kgwebo tše di bolokilwego;
 - Swara mokgwatšhomo wa poloko ya direkhoto le tshepetšo tša mekgwatšhmo ya go dumelelega ya matlotlo.
- Bakgopedi ba swanetše go laetša tsebo e ntši ya Khastom. Mokgopedi o swanetše go kgetha mošomi yo a tlo bago le maikarabelo bakeng sa merero ya Khastom gomme motho yoo o swanetše go tlatša kelo yeo e laolwago ke Setheo sa go Ithuta sa SARS.
- Bakgopedi ba swanetše go laetša bohlatse bjo bontši bja ditlabelo tša matlotlo: .
 - Ditatamente tša tšhelete tša go odithwa tša kgwebo tša mengwaga ye meraro ya go feta ya ditšhelete; Ge ditatamente di sa hwetšagale, bohlatse bjo bontši bja go laetša tiišetšo ya kgwebo, yeo e ka akaretšago bohlatse bja ditlabelo tše di lego gona tša matlotlo.

Na ke ditshepetšo dife tša tiišetšo ya batlišagae le baišantle?

Dikgopelo di romelwa go diofisi tša maleba tša SARS Customs Branch Offices fao go nago le tshepetšo e itšeng yeo o ka e latelago, morago ga moo di romelwa Head Office bakeng sa sephetho sa mafelelo. Diofisi di hwetšagala:

- Cape Town Office - P166, Sanlam Building, 15th Floor, 22 Hans Strydom, Cape Town;
- Durban - Albany House, East Wing, 3rd Floor, 61/62 Margaret Mncadi Avenue, Durban;
- Gauteng South - SARS House, First Floor, 49 New quay Road, New Redruth, Alberton;
- Gauteng North – OR Tambo International Airport, New Agents Building;
- Port Elizabeth - Sanlam Building, 3 Winston Ntshona Street, Port Elizabeth.

Tshepetšo ya dikgopelo e ama:

- Go lekola tshedimošo e filwego go foromo ya kgopelo;
- Go dira tlhathobo (moreki o tla tsebišwa ka lefelo la tlhahlobo gomme o tla tsebišwa ka letšatšikgwedi); le
- Go tsebiša mokgopedi ka ga dipelo le go saena tumelelano ge e dumeletšwe.

Na ke diforomo dife tšeo di swanetšego go tlatšwa?

- [SC-CF-06-A1 - Request for information and self-evaluation](#);
- [DA186 - Application for Customs and Excise accredited client status](#)
- [Accreditation agreement of clients - Rule 64E.09\(3\)](#).

Go hwetša tshedimošo enngwe, lebelela Tlhahli ya Tiišetšo [SC-CF-07](#). E tla go thuša ka go tlatša kgopelo le dipeelano tše di hlokegago gore o kgone go hwetša tumelelo go kgato ya bobedi ya maemo a tiišetšo.

Bakeng sa dipotšišo tša go nyalelana le Mogwebišani wa go Kgethwa, ikgokaganye le SARS Contact Centre go 0800 00 7277.